


KABILI UKUFUMA

PALI ILYA NSHITA

 Icine cine cisuma ukubwela pano nokumfwa munyina, kakumba, ukupela ubunte pakusenamina kwakwa Lesa, pamo nomukashana wakwe umunono. Ico cilifye kwati ni Shikulu Yesu, ukucita ifintu muli ngefyo. Icine cine cili.

² Nomba, tuli abansansa nganshi, muno nshita ya bushiku, ukuba pamo naifwe, umo pabeni pano pa, nga fintu twitapo, ukulongana kwamapepo pabushiku bwa Mwaka Upya, cibusa wandi umusuma, Munyina Ernie Fandler, umo pabapilibulwa ukwisa kuli Shikulu Yesu Kristu, icikombe ca kusenamina. Uufumine ku ng'anda yakwe ku Switzerland, eko afumine. Kabili Nincetekela, munyina uuli pamo nankwe kulya, untu bekala nankwe ku Shawano nomba, umwina German mukufyalwa, Munyina Waters. Tuli abansansa ukuba pamo nabena muno nshita ya bushiku.

³ Nomba natukwata, pamo, naifwe munshita ino iya bushiku, uwa—uwawama munyina uwamu cicetekelo, uwaku South Africa, Munyina David duPlessis. Tuli abansansa pali ena ukuba naifwe, pamo. Kabili efyo tuli, David na Ine, tule—tule enekela, tulepepa, muli Shikulu, ukutupela umulimo uukalamba capamo, muli uyu umwaka uuleisa, uwakuya mu Africa naku ncende ishalekana lekana isha mwisonde. Munyina David ali pano nomba ukwisa pwisha ukulanda, nokupepa ukupwisha pali ico, ukufuma nomba napali Cimo, ukupanga ubusalofye ninshita nshi kabili nikwisa, iyakuya ku—ku Africa, nencende ishalekana lekana ishakuyako mwisonde. Nga fintu, Munyina David alikwata iofeshi ilya ishibikwa pamo no Musonkano wa mwi Sonde uwa ba Pentecosti, kabili alishibikwa nganshi neshingi intungulushi ukuya monse mwisonde. Kabili aliba uwakongola apakalamba mukwita kabili mukulenga, ukukonkafye nefyo tuli nomba, ukwafwilisha mukuleta u Mubili uwakwa Yesu Kristu capamo, mufilonganino fyonse ifya cicetekelo. Temulandu nefyo (bena) mu chalichi bakwata, nangu ifyo (bena) bapelwa amashina. Nico icakutila, i Chalichi, Eco Kristu afwililepo.

⁴ Kabili lyonse Ndatontonkanya pali ico. Naleafwilishako ukukolonganya ing'ombe pamo, imiku iingi, shimo ku Mboshi. Twaleywa kulya, Munyina David, nokwikala kulya uko balecema ing'ombe ukuya kulya kumukonko wacingililwa, ukuya namumpili, ukushilisha pali. . . ukushileka shilelya umulemfwe, u. . . uwa mumpanga. Ilyo, amaluba yalekula pesamba, amaluba ya mumpanga. Nomba kuti baputula amaluba, nokulisha

ing'ombe ukupita mo—monse munshita ya lusuba, ilyo kuli icimwela icikalamba, mulya mumpili.

⁵ Kabili twaleikala palya pacipuna capali kabalwe nokumona kasunga wanama alepisha shilya ing'ombe; kabili cila impanga yakusungilamo, pesamba, iyo iingatwala tani umu uwafyani. Nga cakutila kuti bakusha amatani amakumi yasano ayafyani, ico calepilibula ukutila kuti babikamo ing'ombe amakumi yasano. Nga cakutila kuti bakusha ukufika pe kana limo ilya fyani, ikana limo ilya ng'ombe kuti lyaingilamo. Cila umuntu umu, nasenda icishishiko pa ng'ombe shakwe. Balemona ifishishiko, ifyo fine, nomwakwikala ing'ombe umwalekana lekana, eico tabaleshileka ukuba isha sakanishiwa. Kabili nombamba lintu ka . . .

⁶ Kasunga wanama, talefwaya umusango wafilya ifyakwishibilako ifyalepita, pantu kwali imisango yonse iya fyakwishibilako. Lelo kwali icintu cimo ico icine cine alebebeta, ico cali cakwishibilako ica mulopa. Shena shali nokuba ama Hereford ayalembeshiwa, nga teifyo tekuti shipite pampongolo. Baleshibwekeshamo. Mwamona?

⁷ Kabili Ndetontonkanya iyo enshila cili nokubelamo pa Bupingushi. Tacili nokuba umusango wacishibilo tufwele, lelo nga cakutila icishibilo ca Mulopa epo cili. Ico e cintu icili—icili nokupendwa, icishibilo ca Mulopa.

Kabili Ndi uwansansa nganshi pakuba na Munyina David pamo naifwe.

⁸ Kabili Namona Munyina Estle Beeler aciba pano pakashitafye akanono akapitapo. Namumona aiminina kulya kunuma, pa ncende imo. Na bakapyunga bambi abo twacilafwaya ukumfwako, munshita ino iyabushiku. Kabili, nombamba, Ndetontonkanya Munyina Ruddell nabonse bali nokwisamo, pantu baleikala ukufika na panshita ya bushiku pakati.

⁹ Nangu cibe ifyo, Munyina David tekuti ekale mpaka ne nshita ya bushiku pakati. Ena muntu uufwaika nganshi, konse konse. Kabili lilya linefye Munyina Rodgers aumfwile ukutila ali pano, mulandu nshi, ena ali nokutuma nokuba naena pa teni koloko. Ico cilepilibula ukutila ena alefuma pano, nombaline, ukufuma ukuya kulya ku masamba ku Louisville.

¹⁰ Kabili Nacitontonkanya ukutila cili nokuba icisuma, nga cakutila cena kuti caba icisuma pamo na Munyina David, nga cakutila—nga cakutila kuti twamufwaya ukwisa kuno nokushimikila ico icili pamutima wakwe, ukutushimikila, nokucita ico Shikulu abikilepo. Bonse kuti twatemwa ukumfwala Munyina David duPlessis, ukufuma ku South Africa.

¹¹ Lekeneni nande ici. Icakutila, lintu Naile mulya mu Africa, mu musonkano wandi uukalamba untu Shikulu apele pali ifwe kulya, munyina wakwe ewali kelula wandi, Munyina

Justus. Nincetekela ishina lyakwe ni Munyina Justus. Kabili ulupwa ulwine lwine ulwa bantu, nyaba ba munyina bakwa duPlessis. Ndetontokanya paliba. . . Ndetontokanya bonse ni bakapyunga, ukukonkafye nefyo Naishiba, kabili limbi ba wishi, pamo, bali niba kapyunga. Kabili bafuma mulupwa ulusuma ulwa bantu. Kabili Munyina David alikwata ishina ilikalamba pakati kama chalichi ne filonganino ukuya monse mu calo.

¹² Kabili Munyina David, kuti Natemwa iwe ukwisa nomba nokutushimikila, nangu conse ico Lesa abikile pali iwe ukulanda. Isa nombaline. Kabili Ndi nensansa ishikalamba ukulangisha ku chalichi candi, muno nshita ya bushiku. Uyu ni Munyina Orman Neville, kakumba wesu. Kabili naku chalichi, uyu ni umo pali bacibusa bandi abasuma, kabili—kabili muntu wabulwi mumulimo uwakwa Lesa, Munyina David duPlessis uwa ku South Africa. Lesa akupale, Munyina David.

¹³ [Munyina David duPlessis alanda. Pali tepu tapali amashiwi—Kale.] . . . alanda. Ameni. Bonse twacitile. Munyina David, ukwangufyanya ukubwela nokuba pamo naifwe nakabili. Ico cisuma nganshi. Tuli icine cine abansansa.

¹⁴ Munyina David acilanda ifintu fimo palya, Ndesubila nga Nacikwata akalembelo, nga Nacifilemba. Lelo Ndi nokulaibukisha lyonse “abenshikulu baume; na benshikulu ba bana bandi.”

¹⁵ Ukuba, icine cine tuletotela ukutandala kwakwa munyina wesu. Kabili ali. . . ewali uwa. . . uwakwampanya pamo no Musonkano we Sonde uwa bacetekela ba Pentecosti, kabili umuntu mukalamba munshila ya mulimo wakwe ukuya monse mwisonde. Kabili tuli abashuka, muno nshita ya bushiku, ukukwata Munyina David ukwisa nokulanda kuli ifwe muli ino nshita yabushiku iya Mwaka Upya. Kabili kuti mwamona ifyo abantu bakalamba batontokanyapo palwa kwa Shikulu wesu, ukutontokanya pa mubomfi Wakwe umukalamba.

¹⁶ Nomba Nincetekela ukutila, mailo, pakuba u Mwaka Upya, kwashalafye ba ora abanono nomba. Kabili Mfwile natampako pamacaca mulucelo, eico Nacitontokanya fye ukutila kuti Nashimikilafye panono, nga cakutila kuti caba icalungama pamo na Munyina Neville. [Munyina Neville atila, “Ee. Ameni.”—Kale.] Munyina Beeler, kabili na bakapyunga bambi pano. Tabali nokusenda inshita iikalamba. Kabili Ndetontokanya, nga cakutila twatila “Ameni,” nokuya ku ng’anda, ili nokuba imbila iisuma. Kabili kuti twaba abatotela kuli Shikuli pali ico tukwete pano, munshita ino iyabushiku.

¹⁷ Kabili nomba, ubu ukuba inshita yabushiku ubwa Mwaka Upya, ifwe kuisekeshafye umo nomunankwe, ukupitila mu Bufumu bwakwa Lesa, ukushimikila, mpaka cafika u Mwaka Upya. Kabili Ninkwata. . . ukwima mulucelo, bwangu bwangu icine cine, ilyo takulaba akasuba. Kabili Nshili umusepela

nga David. Limbi Ine...Limbi Ine nshileyumfwa ukuba umwaice ngefyo ena aleumfwa. Ena ali...Ifyo fine, David aliba pamunono—pamunono uku kulapo panono ifyo Ndi. Ndetontokanya ali nemyaka cine lubali nangu cine konse konse ukukulapo, limbi ikumi. Lelo ena icine cine cibulungwa ica mulilo icakwa Lesa, alyenda ba mailoshi imyanda amakumi yasano uno mwaka, pa Bufumu bwakwa Lesa. Mukwenda kwakwe nomba ukuya mukushimikila kuli Munyina Rodgers, kabili mailo ukuba pamo na bamo, ku ncende imbi, kabili ku ncende imbi, kabili ku ncende imbi, nokubwelela pano nakabili pali Cimo. Kabili Mfwile nakumana naena ukupanga ubutantiko pa bulendo ubuleisa ubwa kutandalila isonde nomba.

¹⁸ Kabili tufwile twaba mu Africa, Nacumfwikisha muno cungulo, muli Kutumpu, uyu—uyu Kutumpu uuleisa. Ndi nokukumanya Clayton Sondmore, ukufuma kuli Bashimakwebo Baume aba Mbila Nsuma Yapwililika, uno mulungu, nangu muli uyu mulungu uleisa, ecipandwa cakubalilapo ica ico, nokupanga ukutantika kwa ku Jamaica, ku Haiti. Umulungu ukankapo nkaya ku Kentucky, nangu ukuya ku Georgia, nokukwata ukulongana kulya. Ukubwela nokwisa pita mu Kentucky, ubushiku bumo pano, kabili nobushiku kulya, ukuba nayena ama chalichi. Nokwisa bwela ku ng'anda ukufuma kulya, kabili nokuya ku—ku—ku Atlantic City, uko ukukatampa pa 27, ukufika pa 30, nokufuma kulya mulucelo ulwa pa 1, nokutampa mu—mu Kingston, mu Jamaica, mukubu-... mumusebo wakucimfyanishamo, ubo ubushiku, pa nshiku ikumi mukulongana kulya. Kabili ukufuma kulya ukuya kuntanshi, nomba kuya ku Haiti, naconse ifyo cingaba. Tatwishibe ukwakuya ukufuma palya, cilifye kufyo Shikulu ali nokututungulula.

¹⁹ Nomba, fyonse ifi filifye mukupekanishiwa. Mwamona? Nshilati ntile ee. David ali pano, Clayt aleisa. Gordon, Munyina Gordon Lindsay aleisa, ku South America. Kabili—kabili nefyashalako, Bashimakwebo Baume Abena Kristu abalanda ici Latini mu America. Kabili Munyina David ali nokuya ku Switzerland, Germany, ukuyako pesamba. Lelo tatulati twishibe. Imwe kutwalililapofye ukulapepa. Nshilefwaya ukuya ukuli konse kano Lesa alanda ifyo, kabili kukwishiba kwandi ukusuma. Eico, nga cakutula Naumfwa ukutungululwa ukuya, nomba lintu Nafuma mu ndeke, Ine...Kabili temulandu ifyo ukulwisha kwingaba, Ine kuti nalanda ukutula, “Naishila mwi Shina ilyakwa Shikulu Yesu.”

²⁰ Nali uwatotela pali David, pali bucibusa ubo twakwata capamo, pantu uyu muntu aliba umuntu umukankala nganshi, lelo ena—ena—ena icine cine alicetekela muli ubu ubupyungishi ubwakwa Shikulu. Ena icine cine alacita. Kabili—kabili amashina yesu yaliba aya ampanishiwa capamo mwisonde lyonse ilituntulu nomba, Munyina David na Ine.

²¹ Kabili Ndi uwansansa ukukwata ukwampana pamo no muntu uwaba ngefyo. Lelo, bacibusa, Ndetotela pali ico. Lelo icintu icikalamba nganshi ico Ningatontonkanya ukuba uwa ampana pamo ni Yesu Kristu u Mwana wakwa Lesa, ulya umukalamba Umo.

²² Nomba, Munyina Neville nabamo pali bena balashimikila muma mineti ayanono, lelo Ndefwayafye ukubelenga panono icintu cimo ukufuma mu Malembo nomba.

²³ Kabili cena cisuma, Ndetontonkanya, pa bushiku bwa Mwaka Upya, ukumona bakashimikila abaibela, kabili nomusango bafundilamo, nefyo balanda, nefyaba ngefyo. Kabili cila umuntu umo alikwata inshila yakwe umwine iya kushimikilamo. Namwishiba, Lesa tatupangile ukuba bonse abapalana. Atupanga abapusana pusana. Alitupanga abalekana mu mishinku yesu. Apangile isonde ilya pusanako, ne mpili ishikalamba, ne mpili ishinono, mufyani ifiswebebe, amaluba ayakalamba ayabuuta, amaluba yamakumbi makumbi, kabili nemisango yonse iyapusana pusana. Atupangafye abapusana pusana. Epelafye. Apanga umutwe wakashika, nemitwe yafita, imitwe yacinyamuti, imitwe iyabuuta; abaina, abaonda, abatali, oh, nafyonse fye. Mwamona? Ena fye—Ena atupanga abapusana pusana. Lesa ni Lesa uwa fyapusana pusana. Kabili Nalitemwa ico. Bushe imwe tamwatemwa? [Ulukuta lwatila, “Ameni.”—Kale.] Lelo cintufye cimo cine mu nshita yonse? Owe! Owe! Nalitemwa ico.

²⁴ Eico lekeni twisule mu Malembo yesu, mulya mwi Buuku lyakwa Mateo Washila, i Mbila yakwa Mateo Washila, ukutampila pamo pa. . . Kabili versi 4, Ndefwaya ukubelenga pa. . . tubelenge isambililo, na Shikulu ukutwafwilisha. Mateo Washila, chapitala 4.

Nincetekela, ilyo tatulabelenga, natupepe.

²⁵ Mwebakusenamina Taata wamu Myuulu, cena nakabili cili nemitima iyakutotela ukutila twaisa mukwingila muli uyu umwaka uupya. Kabili twapalamina kuli Imwe nokuleta kuli Imwe yonse amasakamiko yesu ayapita, kabili nokwipusha ukutila Mwalayaposa muli bemba wakulaba, nokukana ibukisha imembu shesu nakabili. Kabili tatufwilefye ukubebeta nemibele ya bumupashi, lelo muyesu. . . lekeni tubebete isenge lyesu pamo na Imwe. Kabili mutwelele ku membu shesu shonse. Kabili twaipusha ukutila u Mupashi Wenu walabombelapo muno nshita ya bushiku. Kabili nga cakutila kwaba icintu conse icishawama pali ifwe, Shikulu, mucisende ukucitwala ku kabanga ngefyo akabanga kaba ukutali na kumboshi. Poseni ifyo muli bemba wakulaba, nokukana ibukisha ifyo nakabili, pakutila twingengila muli uyu umwaka upya, abawama, abasambwa no Mulopa wa Mwana wa mpaanga, nokuba abaipekanya.

²⁶ Lekeni uyu 1960 ube umwaka uukalamba nganshi untu tatwatala atubombela Imwe. Tupeni mukucilapo, mukufula. Konse uku ukulongana ukuli mukucitwa, Shikulu, uko tuletontokanya pamo na Munyina duPlessis, kabili nokushinguluka isonde, ukuya mu Asia, kabili nokuya monse mu Europe, na konse—konse ukushinguluka. Shikulu, lekeni bube ubufwayo Bwenu kabili na Maka Yenu ayo ayali nokutungulula kuli ifi fintu. Kabili nga cakutila kuti twacita pa nshita ili yonse mukufuma pamaka ya Maka Yenu ayamushilo munshila iya lashikilwe libela, lekeni Mupashi wa Mushilo abike icakucinga munshila yesu nokutulesha, Shikulu, nokutubwesha muncende iyalungama. Fikilisheni ico.

²⁷ Paleni ici ichalichi cinono, Shikulu. Nalimo, ukuya mupepi namakumi yatatu, Ndetontokanya, cili pano nomba, nge cakwibukisha icakusenamina cakwa Lesa, ku bantu abaicefya. Twapepa, Taata, ukutila Mwalapala Munyina Neville, kakumba. Paleni ichalichi conse. Paleni abacetekelwa, ba dikoni, katungulula wa nyimbo, kalisha wacinanda, nabonse aba bwananyina, na bonse, bakafundisha bamwisukulu lyapa Mulungu, nafimbipo. Shikulu, lekeni tube abakula muli uno mwaka mukusenamina kwakwa Lesa. Kabili lekeni naba membala besu ukukula mufipendo ifikalamba, kabili—kabili nokusenamina Kwenu ukwacilapo, ukutila, ukucila pali ici mu myaka yapitapo. Fikilisheni ico, Taata.

²⁸ Nomba twafwilisheni ukupalamina kuli ili isambililo ilyo tulepekanya ukubelenga, i Cebo Cenu. Kabili Nimwe fye mweka, Shikulu, mwebenga pilibula kabili twapepa ukutila Mwalafikilisha ico kuli ifwe, pamulandu wa Bufumu bwakwa Lesa. Mwi Shina ilyakwa Yesu Kristu. Amen.

²⁹ Naciba ndebilishafye ico Nsalile ukuba isambililo pali ba mineti abanono abalakonkapo. Cena cilesangwa mu Malembo apa, kabili Nalabelenga ico. Cileitwa, Ndefwaya ukwita ico ici, “ukufuma pali ilya nshita.”

³⁰ Nshatontonkenye ukutila, Nalandile ico ubushiku bumbi, Nshacimwene ukutila kuti Naikila, pantu kumukoshi kwalitampa ukuma. Kabili umukashi wandi atile kuli ine mailo, nangu ubushiku ilyo tabulafika, atile, “Nomba Ndesubila imwe tamwaye kulya ku chalichi.”

³¹ Kabili Nacitila, “Wemutemwikwa, Nshiletontokanya ifyo. Kumukoshi wandi kuli ifilonda nganshi kabili nakuma.”

³² Kabili nomba, ukukana cila bulya bushiku, ilyo Naikele panshi nokubula Amalembo, Nasangile Ici.

³³ Munyina Sothmann aishile. Atile, “Bushe ukaya kuchalichi mailo ubushiku?”

Natile, “Ee. Nkabako.”

³⁴ Kabili Meda aloleshe kuli ine, kabili atile, “Nshikumfwile.”

Natile, “Nshilesubila iwe ukucita ico, mwamona,” Natile, “nangu umbi.”

35 Takuli nangu umo uyo utungululwa no Mupashi wakwa Lesa uo bengomfwa.

36 Shikulwifwe, bena bafililwe uku Mwiluka. Amoneke kwati Alandile munshila imo, mineti imo; kabili munshila imbi, mineti imbi. Kabili ku cifulo cimbi Ena alelanda palwa cintu cimbi. Inshita shimo cali ni Yesu ukulanda, inshita shimbi cali ni Lesa ukulanda. Mwamona? Nabasambi batile kulya, pa mpela, batile, “Moneni, nomba Imwe mulelanda palwalala. Nomba ifwe twakutuluka.” Mwamona?

37 Kabili Yesu atile, “Bushe imwe tamwa-...Kabili bushe nomba mwacetekela?” Mwamona, panuma yaico.

38 Tekuti mucicite fye, pantu mutungululwa no Mupashi. Kabili mwatampa ukucita icintu, mwasanga ukutila, imwe... Lesa alefwaya ukumubomfya kuncende imo. Mulingile ukwiminina *apa* nokuya *apa*, ukutungululwa fye no Mupashi. Bantu abaibela, ababa nomweo uo mufwaya ukupela kuli Lesa.

39 Kabili nomba Ine lyonse nanda ici, “Ndi nokucita ici nga Shikulu asuminisha.” Mwamona? Nga Napanga ubulayo kumuntu uuli onse, “Ndi nokucita ico nga Shikulu asuminisha.” Mwamona? Kabili eico nomba, nomba, nga cena tacili ubufwayo bwakwa Shikulu, Ndi nokuba... Ndi nokulanda pali iyi Mbila nga Shikulu asuminisha. Ena kuti ampela ubwite, mukati fye ka iyi Mbila, ukuya kulya ku California. Kutu Nabika lubali ifintu fyonse nokuya ku California, namaka nganshi ngefyo Ningacita.

40 Kabili Mfwaya ukwikala ngefyo. Nshifwaya icintu icili conse ukunkaka. Nshilefwaya icintu cimo icikalamba nangu cimbi, apo caba icalinga amamillioni yama dola, kabili ufwile wakwata indalama ishing, cila bushiku, ukunkaka. Ndefwaya ukuba, uko, ilyo Lesa alanda, “Ndefwaya iwe uye kuli aba bantu. Kwaba fye basano abamuli bena. Lelo kabiye kulya, nokwikala kulya mpaka Nkamwebe ukuya.” Ndefwaya ukuya kulya. Nshakwata umulimo, ukuba...kabili nga Alefwaya ine ukuya mufyalo fyakuciluka babemba.

41 Nomba ici cili apa, calilandwapo, ukuya ku Germany, nangu ku—ku Africa. Kabili umo umwanakashi wandalama amamillioni, inshita fye ilyo u Mupashi wabikile pali ine ukuya ku Africa, atile, “Ndi nokulipilila ubulendo nokulipila iciputulwa conse ica bwena.” Mwamona? Epela fye. Mulandu nshi Ningasakamananina palwa ndalama nefintu, lintu Taata wandi alikwata fyonse fyena? Mwamona? Ena kuti alanda fye kuli uyu muntu wacuma, nangu ulya muntu wacuma, nangu aba bantu, nangu balya bantu, kabili takuli umulandu ningasakamanina palwa cena. Mwamona? Lesa alilolekeshapo palwa cena conse.

42 Munyina Roy, ulya e musango wakwikalilamo. Lekeni fye Ena asakamane ico. Cena cisuma nganshi.

43 Nomba lekeni tupilibule mu Malembo yesu, ku chapitala 4. Kabili lekeni tutendeke uku—ukubelenga, nalimo vesi ya 12 iya chapitala 4 iya Mbila nsuma ukulingana na Mateo Washila.

Nomba ilyo Yesu aali...Kabili nomba ilyo Yesu aumfwile ukutula Yohane naposwa mucifungo, afuminepo aile ku Galili;

...afumine ku Nazareti, ena aishile nokwikala mu Kapenam, uyo uwaba palulamba lwa bemba, mu mipaka yakwa Sebuluni pali Naftali:

Ukuti cifishiwe icasosele kasesema Esaya, aciti,

Impanga yakwa Sebuluni, ne mpanga yakwa Naftali, inshila iya kuli bemba, ukuciluka Yordani, Galili ya Benafyalo;

Abantu abaikete mu mfifi bamwene ulubuuto ulukalamba; na baikete mu mpanga sha cinshingwa ca mfwu ulubuuto na lubabalikila.

Ukufuma ilya nshita Yesu atendeke ukushimikila, kabili no kusosa, Lapileni: pantu ubufumu bwa mu mulu na bupalama.

44 Ndefwaya ukulanda pe sambililo: *Kabili Ukufuma Pali Ilya Nshita*. Namwishiba, ngo muntunse, ifwe bonse tutontonkanya pafintu ukufuma panshita imo. Icintu ca musango uyu-na-uyu calicitike, kabili ukufuma ilya nshita. Kabili nomba, inshita ishing, mulakumanya umwaume umukote nangu umwanakashi umukote, kabili bena balitemwa ukusontelela kunshita ilyo icintu cimo cacitike, ukutula bena kuti bacifumyapo nokutula, “Cena cali nipali ilya nshita.”

45 Nomba, Ndemona kuliko mubutuntulu ifwe bonse muno, muno bushiku, kuti mwaibukisha, ukwibukisha ifintu fimo ifyo fyacitike pa nshita imo. Ukufuma pali ilya nshita, icintu cimo calipilibwilwe. Icintu ica musango *uyu-na-uyu* calicitike pali ilya nshita. Kabili ukufuma pali ilya nshita ukuya pantanshi, cali icapusana. Kabili cena cintu icisuma ico twingacita. Kabili fimo ifyakwibukisha, ifya fintu ifyo tutontonkanyapo, fintu ifyalinga ifyapilibuka. Kabili kwaliba ifintu fimo ifishaba ifyafikapo nokutontonkanyapo.

46 Mucakumwenako, nga umwanakashi aishibikwa ati wamisango iyabipa, ukutula atile, “Kwaliko inshita ilyo Nali umusuma, umulungami, umukashana uwamibele isuma. Kabili ubushiku bumo, nangu incende imo, icintu cimo calicitike.” Kabili ukutula ilya nshita, ali munshila iyalubana. Umweo wakwe walyonaulwa nolubembu, nokufita nemfifi, kabili ubupingushi fye ebulemulolela. Lelo ena kuti aibukisha,

ukufuma pali ilya inshita imo, cacitike ilyo aile munshila iyalubana.

47 U—umwaume cakolwa, muno bushiku, mumisebo, uyo uleesha ukunwa icakuti afumyepo amalanda yakwe. Imwe limbi kuti mwamwimya. Kwati nga fintu Nali kulya kuncende yamayanda yabwalwa kuno, inshita imo akale, mu New York, incende ikalamba iyabantu abakolwa. Naleenda na kapyunga umo. Kabili kwalilambalele umwaume, oh, abengi abaume, tabali bakusansa, tabakwete amaka, nefyakufwala fyonse nafibomba kuntanshi, ne—nemyefu yabo pamenso ponse, kabili mumibele iyabipa. Kabili tabali abakucita ubusanso.

48 Kabili uyu kapyunga atile, “Imya ulya umo, kabili uye mwipusha fye.”

49 Kabili Naishileya kuli umo uwabikile ukulu kumo pacela cakuntanshi ica motoka, nomutwe wakwe walipamusebo, kabili uko ena alefilwa u—u—ukuya inshita shimo, kumusalani. Oh, alifye mumibele iyabipisha. Kabili Nali mwikete, kabili Natile, “Bushe kuti walanda?” Kabili talengasuka.

50 Eico kapyunga alikile. Alishibepo ifyakubomba nankwe. Kabili amwipwishe ukutila, “Niwe ani?”

51 Mukulekelesha alimwimishe, mpaka atila, “Nga kuti wanshitilako icakunwa!” Kabili nokwisa fwailisha, ukuti engasonta umunwe wakwe kwi banki lintu aliko kateeka.

52 “Ukuba,” atile, “tuli bakashimikila. Bushe kuti wanjeba icacitike?”

“Nga cakutila kuti wandaya icakunwa!”

53 Ukuba, tatwacitile ico. Natile, “Ine tekuti nundeko ubulanda pa bulanda bobo. Ndefwaya ukukwafwa.”

54 Ilyashi lyakwe lyonse. Aishile ku ng’anda, ubushiku bumo, kabili kwaliko, untu aleita, “Umutemwikwa Yohane” pali inkalata pe—pe tebulo. Nomba, umukashi wakwe alimushile. Kabili ali... Alimutemenwe. Kabili asendele abana bakwe. Kabili ifyupo fyalipwile, kabili alibutwike ukuya no mwaume umbi. Kabili atile, “Nshaishibe neca kucita, pakuti ningaipaya, nangu icakucita. Eico Na—Naile kucikulwa cabwalwa.” Kabili ukufuma ilya nshita, ali palya. Ico caba mwisonde lyonse.

55 Kabepa. Iwe limbi kuti wasenda umo, nga fintu Naebele umwaume, ubushiku bumo, untu Natontonkenye ukutila alelanda ifyakusekesha. Kabili naishile sanga, ukutila, alibepole ubufi ubwingi mpaka icine cine abucetekele, umwine palwakwe. Kabili Natile, “Cinshi icikulenga ukucita ico?” Kabili Naikele ukulanda pamo naena. Natile, “Ndefwaya ukukwipusha ilipusho. Ayo amalyashi yalibipisha icakuti abantu tekuti bayacetekele.”

56 Atile, “Limo ilyo Ngingebukisha ukulanda,” atile, “Nali umulumendo munono uyo uwakulile mu ng’anda iisuma.” Kabili

atile, “Naile nokuya peepa imishanga yamishishi yamataba, ukuti mbe uwacenjela. Kabili Nalile nakofi, ukufumya icinunshi mukanwa.” Kabili atile, “Ine nacityle ico kunuma ya cimupaipi cifumya icushi, kunuma ya ng’anda.” Kabili atile, “Nshakatale ndaba, lintu bamayo banjikete, kabili batile kuli ine, ‘Wemwana, leka ng’umfwe umupu obe.’ Kabili Naputile umupu wandi pa cinso cabo, kabili batile, ‘Twe nautyamo kofi pakutila ucingilile ukununka kwa mukanwa kobe. Cinshi ico wacilacita? Bushe wacilapepa imishanga?’”

⁵⁷ Kabili atile, “Icintu cimo canjebele ukutila nande kuli bena icine.” Atile, “Lelo Natile, ‘Iyo, mayo. Ndelanda icine mumutima wandi. Ine nshacilapepa imishanga.’” Atile, “Kabili ukufuma ilya nshita, ico eflyo catampile.”

⁵⁸ Ifwe bonse kuti twasanga icintu cimo ico—ico icitampa pa nshita imo. Kabili ukufuma apo catwalilila, ifintu fyalipilibwike. Kabili kwaliba ifintu fimo ifyafikapo ifyo twingatontonkanyapo. Abaume nobwiminishi ubusuma balatampa ifintu cipya cipya, ukucita ifintu panshita imo.

⁵⁹ Icakumwenako, lintu amalaiti yasangilwe na Benjamin Franklin, kabili bena bacimfishe ico. Batampile ukutila, “Ukufuma ino nshita ukuya kuntanshi takwakatale akuba inkondo. Pantu, icakutila, aya amalaiti yali nokubikwa mwilinga, nomulilo uwingi, mpaka umuntu nangu umo teti abuke lyena.” Batontonkenye bwino.

⁶⁰ Kabili lilya linefye panuma ya Nkondo ya Kubalilapo iye Sonde, lintu—lintu Kaiser Wilhelm alembele pa cakumfwana ca mutende. Ifwe balitwebele muno mu America. Nali umulumendo uwa myaka pabula iya kufyalwa. Lelo Ine kuti naibukisha ifyo abantu bonse balelanda ukutila, “Twatwakatale atukwata inkondo. Ukufuma pali ino nshita ukuya ku ntanshi, cena nacipwa, umuyayaya.” Lelo twakwete inkondo imbi.

⁶¹ Kabili lintu UN mukalmba nngu, kuti Natila, ilyo ico tacilaba bapangile ico icaleitwa League of Nation, kabili batile, “Nomba tatuli nokuwata inkondo nakabili, pantu natukwataa League of Nations iyo iikalaendauka mwi sonde. Kabili nga cakutila kwaba ubulwi kumo, aba abantu abafuma mu calo conse bali nokuya kulya nokuba bukapokola mwi sonde.” Lelo ico califililwe, batwalililepofye ukukwata inkondo; kabili ba UN bali nokuba icintu cimo cine.

⁶² Nabatweba nomba ukupitila mukusobela ukutila mailo ubushiku, nangu, pa Mulungu ubushiku, umuntu umo wine uwasobele Pearl Harbor, pa nshita imoine iyakuti i—indeke ili nokuponya amabomba pali yena, atile, ukuti, “Cikaba pa Mulungu ubushiku pa twelufu koloko, ukutila sebente faifi pesenti iya bantu abena America bali nokuba imito, ukutila Russia ili nokuponesha ama bomba pali United States, ubu ubushiku bwapa Mulungu ubuleisa mu nshita ya bushiku pa

twelufu koloko.” Umuntu umo wine ulya uwasobele Pearl Harbor. Bena tabali nokucifumya ico, pantu abantu bali nokuba nomwenso. Ine nshilecetekela ico. Mwamona? Iyo. Pantu, cena tekuti cicule ubulwi bwa mabomba. Cimo icakupita ica ciunda pa mupaka muli *iyi* nshila, ifwe tuli nokuposa fyena muli *ilya* nshila, kabili bali nokuputaulwa mu tupimfya. Icintu cimo cifwile cacitika cibe, iyo Yesu talaisa. Ico nacilungama.

⁶³ Icakumwenako, imisepelela iyaupana. Kwali inshita imo iyo baupene. Kabili bena—bena babikile imilapo yabo capamo. Kabili bena bailaile umo nomunankwe, ukunakila kwabo. Kabili batile, ukutila, “Tuli nokutemwana, ukucindika nokusansamusha cila umo, iyo bonse babili tuli nomweo.” Lelo kwaishile inshita iyo icintu cimo cacitike.

⁶⁴ Fyonse ifi ifintu, kuliko—kuliko inshita lintu icintu cimo cacitike. Kabili limbi imilapo yabo yonse, kabili naba ukwampana kwa fyalo nefyaba ngefyo, limbi balikwete ifyo baimininepo ifisuma, lelo bena bonse baishilefika ku mpela. Bonse baishile baletotobela, pesamba ya—yamaka ya muntu. Nafyonse ifya kwimininapo ifisuma ifyo twingakwata, lelo fyonse fifwile fyaisa fika ku mpela.

⁶⁵ Lelo kuliko inshita imo iyo apo umuntu engesa pa cintu cimo ica Muyayaya. Ilyo e lintu, umuntu, e nshita umuntu akumanya Lesa. Ilyo e lintu icintu cimo cicitika ico ica Muyayaya.

⁶⁶ Tulacita ifilubo fyesu. Kabili tulapanga imilapo yesu pa nshita ya bushiku bwa Mwaka Upya, nokwisa yonaulafye ubushiku ubwa konkapo. Twapilibula ibula lipya, twabikapo ne milapo. Kabili twaya kuli ba shimapepo. . . Tatucita, lelo ba Katolika balacita. Kabili nokulapila, nokulemba pafya kulaya, kabili tulesa ku cipailo nokupilibula amabula yaapya, lelo fyonse fiba apafye. Pantu, iyakonkapo iyo umo atulufyanya nangu icintu cimo, kulya ukufulwa ukwa kale kuli nokwima pa muulu. Inshita yonse iyo twaba mu bwafya nangu icintu cimo, cili nokucitika nakabili.

⁶⁷ Lelo kuli icifulo uko umuntu engesa, ku nshita, iyo iingacinja ena umuyayaya, ku Muyayaya. “Ena uyo uuli nokwisa kuli Ine, Ine nshili mu nshila yonse ukumutamfya,” efyo Yesu alandile. Umuntu kuti aisa kuli Lesa, kabili no bwikashi bwakwe bonse ubwa Muyayaya bwacinja. Kabili umuntu kuti akumanya Lesa, kabili tekuti abe cimo cine nakabili. Iwe tekuti ukumanye Lesa nokuba umuntu umowine untu wali. Nga cakutila wafumako kuli Ena, iwe uli nokuba umuntu uwabipilako ukucila napafyo iwe wali. Nga cakutila wa Mupokelela, naukwata u Mweo wa Muyayaya, kabili Ena ali nokwimya pa bushiku bwakulekelesha, ukupitila mubulayo Bwakwe.

⁶⁸ Kwaliko inshita iyo kwali umuntu uwaleitwa Abrahamu, uyo uwaishile ukufuma ku Kaldi, kabili aishile ikala mu musumba wa Uri. Kabili alifye umuntu, umuntu umusuma.

Limbi, limbi acitile...Wishi wakwe limbi alepepa utulubi, pantu bafumine ku Babyroni. Kabili alifye umuntu fye, kabili aleya alekula. Ali nemyaka amakumi cine lubali na isano, kabili umukashi wakwe ali nemyaka amakumi mutanda na isano.

⁶⁹ Kabili Abrahamu, ubushiku bumo, lintu ena limbi afumine ukuya mu mpanga, alelunga nangu conse ico alecita, aletola ifisabo, nangu conse ico icinto yakwe yali, akumenye Lesa. Kabili ukufuma pali ilya nshita, alicinjishe. Aleita ifintu ifyo tafyali, kwati eflyo fyali, pantu akumenye Lesa. Alishibe mineti kabili ne nshita iyo akumenye Lesa. Cacinjishe ena. Kabili Lesa aitile ena ukuba wishi wa nko ishingi. Kabili acetekela Lesa kabili acetekela ubulayo Bwakwe, pantu akumenye Lesa. Imyaka amakumi yabili na isano kuntanshi, balelanshanya, ukweshwa ukulanda pali ena, ukulamweba ukutula ena acetekela icintu cimo ico icali icalubana. Lelo Baibele yatila, "Aleba uwamaka ayakalamba inshita yonse, ukulapela ukutotela Lesa inshita yonse." Pantu, alishibe ukutula Lesa alesunga ubulayo.

⁷⁰ Ilyo ni lintu umuntu akumanya Lesa. Cilacinja imipangilwe yakwe. Cilamupela amano ayacilapo. Nga fintu Nalelanda ubushiku bumbi, umuntu uwa cifyalilwa akwatafye amano yasano. Lelo, uwacetekela, lintu akumanya Lesa, alakwata icintu cimo icapusanako. Yena mano ya maka ayo ayamusumbula pa muulu ukucila pa finshingwa. Cilenga ena ukucetekela ifintu ifyo ifishinga citwa ukwisa fikilishiwa. Ena atwalililapofye ukucetekela fyena ukutula fikesa fikilishiwa, pantu Lesa ifyo eflyo alanda. Lintu umuntu akumanya Lesa, icintu cimo cilacitika.

⁷¹ Kwaliko inshita lintu umuntu akanshiwe mu mano yonse, fyonse ifya mapepo aya Cebo cakwa Lesa. Alishibe Cena ukukonka ne cilembo. Ena alisambilishiwe. Alikwete ama degri yonse. Ali uwacenjela nganshi icakutula alesambilisha bakasambilila abena Egypto nabakafundisha babo. Alishibe fyonse, ilembo epo lyapela. Lelo camwenso kuli ifyo, uyo uwalebutuka, aile kulya kunuma ya ciswebebe nokulakumba impaanga ukuba umweni. Lelo kwaishile inshita lintu Lesa amukumenye kulya, mu cimpukusa icalepya. Kabili ukufuma pali ilya nshita ukuya kuntanshi, Mose alicinjishe, pantu akumenye Lesa mu cimpukusa icalepya. Kabili cali icinso ne cinso pamo na Lesa, tali cimo cine nakabili.

⁷² Lintu umwaume nangu umwanakashi...Nshilesakamana milapo inga wapanga, nangu mabula yanga wapilibula. Mpaka mwakumanya Lesa, imwe tekuti upilibuke. Lelo lintu waisa nokukumanya Lesa, nomba iwe ninshi naupilibuka umuyayaya.

⁷³ Tacapilibwile fye Mose. Capilibwile Israele. Capilibwile Egypto. Capilibwile isonde pali ilya nshita, pantu umuntu umo akumenye Lesa noku Musenda pa Cebo Cakwe.

74 Ico tulekabila ileelo muntu umo ukukumanya Lesa, icinso ne cinsio, nokulanda kuli Ena, ku mibele. Lintu abantu bakumanya Lesa, ifintu filapilibuka. Icine cine. Iyo e nshilafye imo iyo twingakwatilamo ifintu.

75 Kabili ukufumafye pali ilya nshita ukuya kuntanshi, Mose ali ni camwenso, Mose ali umo uyo uwalebutuka, alicinjishe. Kabili ukufuma pali ilya nshita, aishileba umubomfi wakwa Shikulu. Lyonse cibombela muli iyo nshila. Lintu umuntu akumanya Lesa, ifintu filapilibuka.

76 Kwaliko umukashana munono panshita imo, tacilile pa myaka iyakufyalwa ikumi na cine konse konse, nangu limbi tali uwakula ukuba ifyo, uyo uwali pa musebo ukuya ku cishima ulucelo lumo, ukuya tapa imbeketi imo iya menshi, kulya ku Nazareti. Ali umukashana umunono umusuma. Alicetekele. Alikwete icicetekelo. Lelo, lulya ulucelo, akumenye Lesa. Kabili na Lesa amwebele icintu cimo, kabili acetetekele ico. Kabili cacinjishe imibele yonse iya bwikashi ku mwanakashi, nokumulenga ukuba uushifwa. Ishina lyakwe lyali ni Maliya, nyina wakwa Shikulu Yesu. Uyu namayo umunono aali mukashana umunono uwafye, lelo akumenye Lesa. Kabili ukufuma pali ilya nshita ukuya ku ntanshi, icintu cimo cacitike. Icine cine.

77 Kwali umuntu uwe shina lya Petro, umulondo umukalamba uwesabi uwalemoneka uwakalabana, limbi alifye uwakalabana nga fintu baleisa. Kabili ali limbi umukalamba uwakutendeka abantu. Pantu, pano inshita iyapitapo, Namwene icakwangala, icaleitwa, “Umulondo we Sabi Umukulu.” Natontonkenye ukutila cali icakulondolola Petro icisuma, pantu aali umuntu umukalamba uwakalabana. Talesakamana nangu cimo. Tacetekele icintu nangu cimo. Lelo, ubushiku bumo, akumenye Lesa. Kabili ukufuma pali ilya nshita, ali uwapilibuka. Ukufuma pali ilya nshita aishileba umutumwa wakwa Shikulu Yesu Kristu.

78 Nga fintu Munyina David duPlessis acilatweba pa kashita akanono akapitapo, palwa kwa Shauli uwa ku Tarsusi, kepaya, uwakwete ikoti lyaba kepaya, ukutila, kabili, ali ninte, nokupela ubunte pamfwa yakwa Stephen mufwilakristu. Alikwete amakalata mu matumba yakwe, ukuya kulya ku—ku fisaka ifikalamba ifya ma chalichi, nokwikata abantu balya abalepanga icongo icikalamba, balebilikisha, nokulumbanya Lesa. Ali umuntu umukalamba mu cinsio caba Fariseo. Ali mu Fariseo uwaba Fariseo. Lelo, ubushiku bumo, ali pa musebo wakuya ku Damaska, kabili akumenye Lesa. Ulubuuto lwabyatile. Kabili ukufuma pali ilya nshita ukuya kuntanshi, tali nakabili Shauli waku Tarsusi. Lelo aali ni Paulo, umo uwaicefya, umufuke umo, pantu akumenye Lesa, kabili Camucinjishe.

79 Kwali uwafibashi uwaleikala pampongolo. Bonse

ubwafwilisho ubwa miti bwafililwe ukumundapa. Ifilonda fyakwe ifyabipa fyakulishe nganshi mpaka alefilwa nokwimya amaboko yakwe, nakabili. Kabili namakasa yakwe, alefilwa ukuyemya. Ubulwele bwakwe tabwakwete isubilo. Lelo akumenye Lesa, ubushiku bumo, ilyo alefuma pa mpongolo. Kabili aponene panshi nokupepa, kabili atile, “Nga cakutila ubufwayo Bwenu, kuti Bwanenga ukuba uwawama.”

⁸⁰ Kabili Atile, “Nalacita ico. Iwe ba uwawama.” Kabili ukufuma pali ilya nshita takwete nakabili ifibashi, pantu akumenye Lesa.

⁸¹ Kwali impofu iyaleikala lubali no museebo. Kabili alefilwa ukupusanya ulubuuto ukufuma kumfifi. Tapali nangu cimo ica mwafwilishe. Ubushiku bumo, Umuntu umo aishile aleenda ukufuma mu musumba wa Yeliko, kabili lintu akumenye Lesa; kabili ukufuma ilya nshita, alemona. Ukumona kwakwe kwabwekelepo pali ena. Ukumona ukwa lubuuto kwaishile nokwingila mumenso yakwe, kabili alemona nakabili. Pantu, ukufuma pali ilya nshita, lintu akumenye Yesu, aali umuntu uwapusanako. Alikwete ukumona.

Lintu umuntu akumanya Lesa, icintu cimo cilacitika icine cine.

⁸² Kwali umuntu umwaice, panshita imo; ukwabula nokutwishika, umuntu umusuma uwa mucalo, lelo mipashi iyakowela yaishile pali ena. Kabili ali uwabipa nganshi mpaka ing’anda ya cifungo yafililwe ukumwikata. Kabili bamukakile ne minyololo. Kabili akwete itulwe lya fiwa, muli ena, mpaka aleputaula iminyololo nokuikakula umwine. Kabili ne fiwa fyalemutwala ku nshinshi, mulya umo aleikala. Kabili alebula ifimabwe, nokukana ba bwino, aleiputaula umwine palwakwe eka. Oh, aali umuntu uwabipa. Lintu ilya mipashi iyakowela yamusha, takwaleba ukutwishika kutu atontonkanya, “Cinshi ico Ndecita kuno?” Kabili pali ilya nshita, ifiwa kuti fyabwela nokwisa ingila muli ena nakabili, nokumucena kabili nokumuputaula. Lelo, ubushiku bumo, akumenye Yesu. Kabili ukufuma pali ilya nshita ukuya ku ntanshi, ishilu lyaku Gadara lyakwete amano ayatuntulu, lyafwele ifyakufwala, aikele pa makasa Yakwe. Ukuti engabwelelamo ku ng’anda nga shimucindikwa. Abwelelemo ku kutumpuluka. Abwelelemo ku batemwikwa, kabili nokutila, “Ukufuma pali ilya nshita, Ine nalicinja.” Ee.

⁸³ Ali ubushiku bumo, pa Kalbale, lintu Lesa nemfwa fyakumene, icinso ne cinso, lintu u Mweo nemfwa fyaishile capamo. Lelo ico e lintu u Mweo, Kristu, atintilemo ulubola mumfwa. Kabili ukufuma pali ilya nshita, imfwa tayakwata ulubola muli yena. Ndi uwansansa nganshi pali ico. Lesa! Imfwa na Lesa fyakumene, capamo. Imfwa tayaba cimo cine. Yena tayakwata ulubola pali yena nomba. Umwina Kristu

uwacetekela kuti aenda pa cinso nokutula, “O we mfwa, ulubola lobe lulikwisa? Wenshinshi, kuli kwisa ukucimfya kobe?” Mulandu nshi? Fyonse fibili fyakumenye Lesa. Tafyaba cimo cine ukutula ilya nshita.

⁸⁴ Takuli umuntu nangu umu uwingaba cimo cine, takuli nangu cimo icingaba cimo cine, lintu panshita imo cakumanya Lesa. Tawakatale auba cimo cine.

⁸⁵ Ndeibukisha nindala mubusanshi pano pa chipatala. Ba dokota bampele ba mineti batatu abakuba no mweo. Umutima wandi waletunta, imiku ikumi limo na cinelubali muli mineti. Nakumenye Lesa. Ukutula palya, Nshaba cimo cine. Icintu cimo cacitike kuli ine. Takuli nangu umu uwinganjeba cimo icapusanako. Bill Branham afwile. Nakumenye Lesa, ne Cintu cimo caishile muli ine. Nshatala mba cimo cine ukutula pali ulya mineti Na Mukumenye. Ancinjishe. Ampangile icintu cimo icapusanako. Tacasendele umulapo wapa Mwaka Upya, lelo Nakumenye Lesa.

⁸⁶ Mwebaume na banakashi, lintu mwakumanya Lesa, imwe ninshi mwacinja. Twalapanga imilapo ya Mwaka Uupya wesu munshita ya bushiku; tukabwelelamo mailo mulucelo, nokoyonaula; ubushiku ubukakonkapo, kuyonaula. Lelo ico tulekabila ukucita, te mulapo wa Mwaka Upya, lelo tulekabila ukwisa icinso ne cinso na Lesa, nokukwata u Mweo wa Muyayaya, mufwile mwafyalwa ku Mupashi Wakwe.

⁸⁷ Kwali umwaume umukalamba, panshita imo, tafitontonkenye bwino. Ciwa atwalililepo ukulamucusha pali ico. Ubushiku bumu, aile mu mpanga, afukeme panshi nokupepa. Ilyo alepepa, apitile pa fimuti. Atile, “Leka ici cibe icakwibukisha. Satana, nga cakutula waisa kuli ine nakabili, Nkakusontelela kuli ifi ifimuti. Kabili Nkakweba ukutula pano pene epo Nakumenye Lesa, kabili apa pene epo capwililile nokuya nokuntanshi.” Ico eco tulekabila, limbi te fimuti ifya mumpanga, lelo mu ncende imo iyaisalilwa, mu ncende imo. Te...

⁸⁸ Oh, munshita ino iya bushiku, kwalaba imyanda iya milapo iyalapelwa, amakana ya ifyo yalapelwa. Kabili uyu mwaka ukakonkapo tuli nokupela yonse, ukubwekeshapo nakabili. Tuli nokutula, “Tuli nokuleka ukubepa ubufi. Tuli nokuleka ukucita *ici*. Kabili tuli nokubika lubali ukufulwa fulwa kwesu. Tuli nokucitila Lesa ifingi. Tuli nokucita *ici*, nangu *cilya*, nangu *cimbi*,” ukwisa sangafye, ukutula cili apafye.

⁸⁹ Lelo ico umuntu alekabila ukucita, muno nshita ya bushiku, kwisa icinso ne cinso pamo na Lesa. Kabili ukutula nombamba ukuya ku ntanshi, ena cibumbwa icacinja. Alleluya! Oh, ifyo Ningafwaya Ine ukulanda ico munshila Nacetekelamo. Lelo lintu muntu akumanya Lesa, alacinja, ukufuma pali ilya inshita, munshiku shakwe shonse ishshalako. Tali nokuba cimo cine,

pantu nakwata u Mweo wa Muyayaya. Ena cibumbwa icipya. Ifintu ifyakale nafipita, nefintu fyonse nafiba ifipya kuli ena. Amoneka umupya.

⁹⁰ Umuntu umulwele kuti aenda mucinso cakwa Lesa, lintu ba dokota batile, “Aali nokufwa.” Lelo ena kuti aenda mucinso cakwa Lesa, nokupapatila ubwafya bwakwe. Kabili kuti afuma abwela umuntu uwaibelako, kabili nokufuma pali ilya nshita ukuya kuntanshi.

⁹¹ Oh, Ndeibukisha Cilolo wa mubuteko Upshaw, uwaikele mumupando wakukunkulusha pamyaka amakumi mutanda-namutanda. Bulya bushiku, kwishilya lya California, lintu Mupashi wa Mushilo aikile, nokutampa ukulanda, akumenye Lesa. Kabili ukufuma palya ukuya ku ntanshi, aleenda ukwabula inkonto shakwe.

⁹² Nalimona inshita apo ipwalonda lyalya abantu balilala, apabula icintu nangu cimo lelo pabafye icinshingwa. Kabili ba dokota bapitililapo nokutila, “Aba baliya.” Abatemwikwa babo balalongana mukati, ukulanda amashiwi yakulekelesha ayo bengalanda, kuli bena, ukubakoselesha. Lelo bakumenye Lesa, kabili, ukufuma pali ilya nshita ukuya ku ntanshi, balicinjishe. Bekala abapusanako.

⁹³ Ndemona umwanakashi umubifi, palya peshilya lya musebo. Ndemona cakolwa mukashila akanono akapakati kafikulwa. Ndemona myalu myalu, mulya muchalichi. Bonse abo abantu balekana lekana, cila Mwaka Uupya, balapilibula ibula lipya, kabili nokweshwa ukucita icintu cimo icapusanako, ukweshwa ukulapila nokucita ifyaba ngefyo. Lekeneni bakumanye Lesa, panshita imo, kabili ukufuma palya ukuya kuntanshi.

⁹⁴ Yesu ashimikile kuli abo ukufuma palya ukuya kuntanshi, abo abaikele muncende iya cinshingwa camfwa.

⁹⁵ Kabili Ndelanda, muno nshita ya bushiku, nga cakutila umuntu alefwaya ukukwata ukucinja ukutuntulu ukwisa pali ena, lekeni ese icinso ne cinso pamo na Lesa, noku Mukumanya pa muku umo, nomba kuti atila, “Ukufuma palya ukuya ku ntanshi, ukufuma pali ilya nshita ukuya ku ntanshi, Naishileba umuntu uwa cinja. Ninjishiba ukupitila mukwishiba.”

⁹⁶ Mukashita akanono, ichalichi cili nokukolongana pano ukushinguluka icipailo. Imwe muli nokulapela imyeo yenu, cipya cipya. Imwe muli nokulapela ifintu, nokulabika ifintu pacipailo. Munyina, leka nkupele ukupandwa kwa mano. Nga cakutila tawatala aukumanya Lesa icinso ne cinso, leka nkwebe icintu cimo. Iwe ikala pali ico icipailo. Ikalafye apo mpaka ukumanye Lesa, nomba elyo wingasonta umunwe obe ukubwelela kuli bulya ubushiku ubwa Mwaka Upya. Te, kutila, “Napilibwile ibula lipya. Napangile umulapo upya.” Lelo, “Ukufuma pali ilya nshita ukuya ku ntanshi, Nakumenye Lesa. Kabili no bwikashi bwapilibwike. Kabili ne fintu fyonse

fyashileba ifipya kuli ine, nakabili, ukufuma pali ilya nshita ukuya ku ntanshi,” inshita ilya wakumenye Lesa.

⁹⁷ Tacili ku kumanya u Mwaka Upya. Twalakumanya ico, muli ba mineti abanono, panuma ya kashita akanono, palwa ba ola babili nacistika, Ndesubila, limbi ukucepako ukucila pali ico, twalakumanya u Mwaka Uupya, icinso ne cinso. Twalaukumanya ne milapo. Twalaukumanya nefyakulaya. Twalaukumanya nobwiminishi ubusuma. Twalaukumanya, nokutila, “Twalaesha ukupilibula ibula lipya. Twalaesha ukucita icapusanako.” Ifyo fyonse fili ifisuma. Ndetotela pali ifyo.

⁹⁸ Lelo munyina, tacili nokuba u Muyayaya mpaka wakumanya Lesa, mukubalilapo. Lintu wakumanya Lesa, mukubalilapo, kabili, ukufuma apo ukuya ku ntanshi, ifintu fyonse fili nokuba ifya pusanako.

Natupepe lintu tulekontekako imitwe yesu.

⁹⁹ Shikulu Yesu, u Mwana wakwa Lesa, Ndeibukisha inshita lintu Nakumenye Imwe, Shikulu. Ndeibukisha, uwankumba bulili umulanda, uwaikele ubwikashi ubusuma, nshalebutuka uku noku, alekolwa, nangu ukuteya injuka, nangu ukupeepa, nangu ifyaba ngefyo. Lelo Nalishibe, Shikulu, lintu imfwa yaishile nokufwaya ukwiba muli ulya umuputule wamu cipatala, imyaka amakumi yabili iyapitapo, Mwali icintu cimo icabulile mubwikashi bwandi. Palya Nakumenye Lesa, kabili ukufuma pali ilya nshita. Ukufuma pali ilya nshita, Shikulu, Nalyesha ukubombela Imwe. Ubwikashi bwandi bwalicinja nefintu fyonse fimoneka ifyapusanako. Ndi uwansansa ukutila Nali Mukumenye, Shikulu. Kabili muno nshita ya bushiku, ukulolenkana no Mwaka Upya, Ndi uwansansa ukulanda ukutila Ine kuti nalolenkana na wena pamo no Mupashi uwakwa Lesa wa mweo mu mutima wandi.

¹⁰⁰ Tupeni ifyakupitamo Shikulu. Tupeleni pabusuma Bwenu bonse noluse. Tweleleni imembu shesu shonse. Kabili tulekeni tukekale ukupita muli uyu umwaka uuleisa, O mwe Shikulu Lesa, necakupitamo, ukutila natu twali Mukumanya kabili nemyeo yesu yalipilibuka. Fikilisheni ico, Shikulu. Tweleleni kufya kulufyanya fyesu. Bikeni mukati kesu Mupashi wa Mushilo Wenu. Tutungululeni kabili tubakilileni.

¹⁰¹ Taata Lesa, pano pali 1960, uulolenkene naine. Kabili kuli inshita ku kulongana ukwe sonde lyonse, uko cilemoneka ukutila nangu fye inshita isha makumi amakana amakana, kabili na makana kabili na makana iya basenshi aba shalapila, iya basenshi, nefyaba ngefyo, ukuti bengesa kuli Imwe. O mwe Shikulu Lesa, no Mupashi Wenu mu mutima wandi, Nalolesha pa cipailo Cenu, muno nshita ya bushiku, nokulolesha Imwe, nokutila, “Ngafwilisheni, O mwe Lesa. Umutima wandi ulebilima no kupimpa. Nali Mutemwa, Shikulu. Naipela ne

mwine kuli Imwe, ukubombela imwe. Ntunngululeni konse uko Mulefwaya uku ntungulula. Ntumeni konse uko Mulefwaya ukuntuma, Shikulu. Landenifye, na Ine ndi nokuya.”


¹⁰² Paleni ichalichi candi. Paleni Munyina Neville. Paleni abantu bonse pano, abeni mumpongolo shesu. Kabili nabonse abo bakakumba abali nokulalanda, inshita nenshita, ukupita monse munshita yacungulo bushiku, Napepa, mwe Lesa, ukutila Mwalapala ubupyungishi bwabo. Paleni Munyina Neville. Paleni Munyina Junie Jackson. Munyina Beeler, bonse aba abashala bakapyunga, bapaleni, Taata. Tupeni umwaka uwawamisha mu 1960.

¹⁰³ Ifwe, Shikulu, fwe baishiba ukutila twali Mukumanya, icinso ne cinso, kabili ukwishiba ifyo cipilibula ukufyalwa cipya cipya ku Mupashi Wenu, tupeleni ukusenamina Kwenu ukwa Muyayaya, ukubombela Imwe. Mwi Shina lyakwa Yesu twapepa. Ameni.

¹⁰⁴ Mwali Mutemwa? [Ulukuta lwatila, “Ameni.”—Kale.] 1960, mwileka ukutila ibe ico, ukutila, “Napilibwile ibula lipya.” Mwileka cibe ico, ukutila, “Ndeesha ukutampa umweo uupya.” Lelo lekeni cibe, ukutila, “Nakumenye Lesa, kabili ukufuma pali ilya nshita, ukuya ku ntanshi, Nakwete umutende uyo uwacila ukukutuluka konse. Nakwete ukusangalala ukushingalandwa, ukwaiswilemo ubukata. Nakwete ukwikushiwa. Nangu fye imfwa yaisa kuli ine, Ndi nokuba mumaboko yakwa Lesa, panshita ilyaine napema umupu wakushalikisha. Temulandu neco icaisa nangu ukuya!”

¹⁰⁵ Lekeni bamonaule, pa Mulungu ubushiku, nga cakutila balefwaya ukucita ico. Balefwaya ukucita, ibomba talyakapoleke ukonaula mpaka tukabe mu Bukata pamo na Ena. Ameni. Tapali nangu cimo icinga tonaula. Alleluya!

¹⁰⁶ Ndi uwansansa nganshi Nakumenye Lesa. Ndi uwansansa nganshi kuti Natila, “Ukufuma pali ilya nshita.” Cipampamikeni pali ico! “Lintu Nakumenye Lesa, icintu cimo cacitike kuli ine. Nalicinjishe, ukufuma pali ilya nshita. Nalicinja, ukutula pali ilya nshita.” Ndi uwansansa ukuba pali uyu umusebo, muno nshita ya bushiku, ngo bunte ku Bukata naku Maka yakwa Lesa. Icintu cimo icinono pano, kabili na Lesa ukwikila pano nokumpela ukusenamina Kwakwe, kabili ampuswishe, nokumposha, nokunjisushamo u Mupashi Wakwe. Kabili nokundeka ukushimikila i Mbila nsuma Yakwe, ico e caba ukucindikwa ukukalamba ukwabapo mwisonde. Ukufuma ilya nshita ukufika napali ino nshita, Nshatala nkwapo ukumfwa ububi. Lelo Naba uwakutotela, inshiku shonse ishi, kabili ndi nokuba, ukuya monse mu Muyayaya, ukutila Nakumenye Lesa.

Lesa amipale. Nacilungama, Munyina Neville. 

59-1231 Kabili Ukufuma Pali Ilya Nshita
Branham Tabernacle
Jeffersonville, Indiana U.S.A.

BEMBA

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org